

آبونه عمرانی : هر یر ایچون
سنه لکی (۴۰۰) آلتی ایلتی
(۲۲۵) ممالک اجنبیه ایچون
سنه لکی (۴۵۰)، آلتی آیلتی
(۲۵۰) غروشددر.

نسخه سی ۷,۵ غروشددر .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدلنه
یازیلز اعاده اولتماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

اتبعون اهدکم سبیل الرشاد

الکشاف

آدره من تبدیلندمه آریجه
• غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسزجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

۴ مایسده موسقوده تورکستان وضعیتی حقنده غایت فنا حوادث آلمشدر. بولشه ویکلرک، استحکام طابوری و پیشدارلری عمومیتله اختلاجلیر طرفه کچمش، بوضورتله عسکری وضعیت کوکندن صارصیلمشدر. شمندوفر خطلری دخی اختلاجلیر الیه کچمش اولدیفندن بولشه ویکلرک عسکری رجعتی تأمینه چالشمقده در.

شرقی سیر یاده دخی بولشه ویکلرک وضعیتی صوک درجهده تزلزه اوغرامشدر. غربی سیر یاده ایسه آجلق احتمالی اهالی بی تدبیرش ایتمکده در.

شواحوال نظر اعتباره آله جق اولورسه پک اعلا حکم ایدیه بیلیرکه قومونیسترک تشکیل ایتدیکی غیر طبیعی ظام وجبر حکومتی قطعاً پایدار اوله مایه جقدر. بولشه ویکلرک (مارقسیم) موده یرینی طوته جغه ذهب اولمشلردی. سفاهت حالنده موده یرینی طوتسه ایدی، بلکه دهه بر قاج سنه یاشایه بیلیرلردی، فقط آج بر ملتک موده یرینه طوته میه جغنی دوشونه مدیلر. اکمکسز بر ملت دانس یابه ماز. ضرورت وار ایکن سفاهتی دوشونه مز. انسانک جسمانیکی اکمکه محتاج اولدینی کی، روحانیکی دینه محتاجدر. احتیاج ضروریاتنددر. موده ایسه سفاهتدن بشقه برشی اولدینی کی ساری برخسته لقدر. ایشته قومونیزم حکومتی خیم صورتده بونی تجربه ایتدی. آلی سنه ظرفنده مملکتی یرایه یکنسان ایدرهک نتیجهک عقابتمی ده کوردی. واقعا بولشه ویکلرک پیری له نین: «روسیده صوک بر کوی المزده قالسه بیله ینه تجربه مزده دوام ایده جکزه، دیدی. فقط کوریلورکه بوکی تجربه لره هیچ بر زمان متمر اوله میه جغنی تمامیه آکلاشیلمشدر. عن قریب بولشه ویکلر قره یریه دوشمش بر بالی کی نفس آلق مجبوریتسده قاله جقلر، بالاخره باطافقلر ایچنده یووارلانه یووارلانه اکمال انفاص ایده جکلردر. آرتق بوشیمیدن تین ایتمشدر.

* *

تورکستان قیامی حقنده کی ملاحظیه «برهس دوسواره» غرته سنک برلین مخبرلری طرفندن اعطا اولونان صوک حوادثی علاوه ایتمک صورتیه مسئله بی بر درجه دهه ایضاح ایده لم:

آلمانیا خارجیه نظارتی ۶ مایسده تورکستان اختلالنه دائر بوجه آتی مهم خبرلری آلمشدر: تورکستان حرکتی داخلدن چقمش، غایت واسع بر مقیاسده مملکتک همان هر طرفی احاطه ایتمشدر. سوویت حکومتی معلوماتی آنجا ق تلنسر تلغرافله آلابیلیمکده در. حرکت غایت جدی وداخلی در. بعض آدملر اختلالک دوامی صورتنده تورکستان اکمکسز قاله جغه ذاهب اولیورلر سده، حقیقت حال تورکستان هیچ بر زمان اکمکه محتاج اوله مایه جقدر. زیرا چارلق زماننده تورکستان قابل زراعت اولان محللری تمامیه حکومت طرفندن جبراً باموق زراعتنه تخصیص اولوب حبوبات داخلی روسیه دن کوندلیمکده ایدی.

تورکستانده حبوبات زرع اولنمزدی. ۱۹۱۹ سنه سنده بو مجبورت لغو ایدلمش اولدینی جهتله تورکستانک کندی محصولی کندی اداره ایدرجکی معلومدر. بوندن ماعدا بوکون تورکستانده غایت مهم مقدارده، بلکه تورکستانی بر قاج سنه اداره ایده جک قدر ادخار اولمش احتیاط ارزاقی اولدینی ده معلومدر. حق بولشه ویکلرک اک قوتلی زماننده ۱۹۱۹ ده تورکستانک ۱۸ ملیون روبله آلتون اولق اوزره تجاری سرمایه سی اولدینی تحق ایتمشدر. تورکستان اختلالنده سابق چار جزالاردن مشهور سیچوفک پارمنی اولدینی روایت اولنیور سده، بونک اصل واساسی یوقدر. ذنآ تورکستانک چارلق زماننده بیله روس غنصری یوزده اوچ حساب اولنوردی. ۱۹۱۸-۱۹۱۹ سنه لرنده تورکستاندن ۹۶ بیک روس اخراج اولمشدر. شو طالده شیمیدیکی اختلال، خالص تورکستان اختلایلدر، تمامیه یرلی مسلمان حرکتیدر. افغانستان اسلحه کلیمکده اولدینی ده روایت اولنیور سده بو هنوز تحق ایتمه مشدر.

عبدالرشید ابراهیم

هزین بر بایرام

براینده کی مسلمانلرک بوسنه کی بایرامی ناصیل هزین بر صورتده کچیردکرینه دائر عیاض اسحاقی افندی طرفندن توحید افکار رفیق مزه بر مکتوب کوندلیمشدر. مومی الیه اسکی بایراملرده آلمانیا ده بولونان مختلف اقوامه منسوب بوتون مسلمانلرک برلشه رک صمیمیت و مسرتله، شلکله کچن بایراملری، اسلام برلکنک ظاهرات اخوتکارانه سنی قیدایت کدن صوکره بوسنه کی بایرامک پک هزین کچدیکی سویلیور و بو مسعود کونی هزین بر حاله صوقان اسبابی ایضاح ایدیور: هر سنه بوتون مسلمانلری بر آده طوبلایان واونلره امامت ایدن تورکیا سفارتی امامی بوسنه وفات ایدیور؛ اونک یرینه کچه جک، اونک یابدینی وظیفه امامتی ایفا ایده جک هیچ بر ذات بولونه مایور. بو بوشلنی طولدور مقصدیه تورکیا سفارتی ارکانندن ضیا بک بر قومیه تشکیل ایدیور و بایرام نمازینک کافی السابق (ووسندورف) جامع شریفنده ادا ایدیه جکینی بوتون مسلمانلره بیلدیروب دعوتیه لر توزیع ایدیور. فقط هندستانیلر، هر بلر و بر قسم ایرانیلردن منشل اولان (اسلام جمعی) بایرام نمازینی باشقه بریده قیله جقلری اعلان ایدرک مومی الیه ضیا بکک دعوتنه اجابت ایتیورلر. بوضورتله مسلمانلر آره سنده کی وحدت بوزولیور، مسلمانلرک اکثریتی اسلام جمعیتک دعوتنه اشتراک ایدیور، ضیا بکک دعوتنه اشتراک ایدنلر پک آزالیور. مخابر مومی الیه عیاض اسحاقی افندی بو خصوصیه کی تأثراتی شو صورتله ایضاح ایدیور:

هندستان بر نظر

۲

مولانا محمد قاسم نامنده بر صاحب مہمک سعی وغیرتیلہ ۱۲۸۲ء ده تأسیس اولونان (دیوبند) کلیہ سنک ایلک فعالیتی، ذکرہ نمایان ایلک عملی تشبہ، بورادن نشأت ایدن طلبہ نک «ثمرۃ التریہ» نامیلہ بر جمعیت تأسیس ایدرک هندستان داخلہ حلول ایتلری، مولانا محمد قاسمک حمایہ سی آلتندہ ۲۹۳ عثمانلی روس محاربہ سی مثالبیلہ تورکیہ منفعتہ اعانہ جمع ایتلری در. بواعانلر محمد حسین نامندہ بر مرخص مخصوص ایلہ درسعادتہ کوندریلش، واو زمانک حرب قهرمانی بولان غازی عثمان پاشا حضرتلریہ تسلیم اولنمشدر. غازی مشارالہک کوندریلن اعانہ قبول ایتدیکی زمان تأثرندن آغلادیغی وھند مرخصنک آلتندن اوپدیکی ھند مسلمانلری میانندہ بوکونہ قدر روایت اولنمقدہ در.

۱۲۹۸ ده مولانا محمد قاسم حضرتلری وفات ایدنجہ دیوبند کلیہ سنک امر اداره سی مولانا رشید احمد عھدہ سنہ تودیع اولنمشدر. بو محترم ذات کلیہ نک تدریساتہ فوق العادہ اعتنا ایلہ بر جوق شعبہ لر کشاد ایتش، ساحۃ علمیہ دہ بیوک بر فعالیت وترقیات کوسترمش، فقط افکار سیاسیہ جھتی بر مدت عطالتہ محکوم ومسلك اساسیسی برخیلی زمان خللدار ایتش در.

بالآخرہ ۱۳۲۰ سنہ سندن اعتباراً دیوبند کلیہ سنک اداره سی (شیخ الھند) نامیلہ معروف مولوی محمود حسن عھدہ سنہ تودیع اولنمشدر. کلیہ شیخ الھندک اداره سنہ کچرکچمز یکی بر تجدد و حیات دورہ سی باشلایور. در حال «ثمرۃ التریہ» جمعی یریہ (جمعیت انصار) نامیلہ بر ہیئت فعالہ میدانہ کتیریلیور. علیکر ایلہ دیوبند آرہ سی تألیف اولنوب فعلاً تشریک مساعی اولونیور. کلیہ یہ تعلیم منوران شعبہ سی علاوہ اولنہ رق فوق العادہ بر فعالیت دورہ سنہ کیریلیور. وقارالملک، ذوقور انصاری وشیخ الملک حکیم اجل خان حضرتلرینک اشتراکیلہ ذھلیدہ «نظارة المعارف القرآنیہ» عنوانیلہ بر جمعیت کشاد اولونیور، بیوک مقیاسدہ بر مساعی ساحہ سی آجیلیور دیرکن اوصردہ طرابلس غرب۔ ایتالیا وقعہ سی ظہور ایدیور. بونک اوزرینہ شیخ الھند مولانا محمود حسن جنابلری غایت مہم بریانا نامہ نشر ایدرک طرابلس غرب وقعہ سنک اھمیتی و متعاقباً فتنہ لڑک توالیسی ملحوظ بولوندیغی، نتیجہ اعتباریلہ بتون عالم اسلام ایچون فلافیسی غیر قابل بر فلاکت اولہ بیلہ جگنی مسلمانلرہ اخطار ایتش، و مسلمانلری تیقظ و انتباہ، حرکت و فعالیتہ دعوت ایلہ مشدی. بو بیاننامہ دہ دیوبند ایلہ علیکرک برلشہ رک عملی صورتدہ چالیشمیلری، ھر مسلمان فردک وجدانی وظیفہ سی ایقایہ


«بکن بایرام نمازلرنده جامع صغرنده بش یوز، آلتی یوز مسلمان بولنورکن، آلمان مسافرلرمزدن ایکی یوز، اوچیوز ذات بایرامزده حاضر اولورکن، جامعک اھالی بی استیعاب ایدہ مدیکی نظر دقتہ آلتوب داما بیوک بر بنا میدانہ کتیرمک ایستہ تیرکن بو سنہ قرق الی کشیدن عبارت اولان مسلمانلرک برصف تشکیل ایتدی بوجامی صحرای کبیر قادار واسع کوستردی. جامعک بوشلغی قبونک اطرافتہ طولانان آلمان مسافرلری دہ طولدیرمہ مادی. روحلر منکسر اولدیغی حالہ نمازہ باشلادق. خواجہ شکری افندینک یرینہ اسکی تورک ضابطلرندن افغانستان ترجائی شکری بک کجدی، وظیفہ امامتی حقیلہ، امیدک فوقندہ ایضا ایتدی، لکن جامعک بوشلغی روحلردہ کی تأثراتی بر تورلو ازالہ ایدہ مدی و بو تأثرات جامع اطرافندہ اخذ موقع ایدن معلملرک اکثریسنک کوزلرندن یاشلر آقتدی. برطرفدہ بر ہندلینک کوز یاشلری آقیوردی. برطرفدہ بر تورک ہونکور ہونکور آغلایوردی. برطرفدہ دہ اورال طاغلرندن بورایہ ترک ایدلش بر اسیر چوجوق کبی ایچی چکرک کوز یاشی دوکویوردی. والحاصل بو احوال روحیہ کبت کیدہ تکمیل مسلمانلرہ تأثیر ایدوب جامع کوز یاشلریلہ مستغرق اولدی. امام افندینک وعظی، خطبہ سی و اھل اسلامک نمازی بویلہ کوز یاشلری آلتندہ کجدی. نہ ایچون جامع آغلایوردی، نہ ایچون بواھالی بایرام نمازندہ جنازہ دفن ایدن خلق کبی کوز یاشلری دوکیوردی...»



کمبر سینہ مالرہ، دانسلرہ زھرلنیورلر!

بلغار معارف نظارتنک بلغار مکتبلری طلبہ سنہ کوستریلک اوزرہ آلمانیا دن فنی، تاریخی سینہ ماتوغراف فیلملری کتیرتمہ سی مناسبتیلہ اقدام رفیقمز اطفال مسلمینک اخلاق مدھش بر صورتدہ افساد ایتمکدہ اولان بزده کی سینہ مالرہ، دانسلرہ معارف وکالتنک نظر دقتی جلب ایلہ دیورک:

«بزده دنیادہ ھر شینک عکسنہ اولہ رق آنار، بالال اون یاشندہ کی چوقلرک اللرندن طوتہ رق بولری سینہ مالرہ کتورورلر. بو حال سلخخانہ لرہ قوزی سوق ایتکہ بکزہر، حالوکہ آوروپادہ اون درت یاشندن آشاغی اولان چوجوقلری ھر سینہ مایہ صوقازلر. جنائی و سوداوی سینہ مالر، کنجلاک ایچون بر زھر مماندر. بز برطرفدن بوزہری یوتیورز، دیگر طرفندن سوفاق ایچلرنده کی دانس صالونلرنده بک فنا حالر وقوعہ کلدیکنی، قیز ارکک اون اوج اون درت یاشندہ چوجوقلرک بو افساد اوچاقلرینہ آلیشدیرلیدیغی ایشیدیورز. بر آزدہا غیرت ایدر ایسہک عصری ملترک غالباً آتاق ترابی اولہ جغز!»



ریف مجاہد لرلنک ظفری. — (دہیلی مہیل) غزتہ سنہ (طنجہ) دن ویریلن معلوماتہ کورہ (ریف) مجاہدلری صوک محاربہ لردہ اسپانوللری (سیدی مسعود) دن پوسکورتمشلر و (۳) بیوک طوب، (۲۰۲) ماکیئہ لی تفنک، (۶۰۰) تفنک، (۴۰۰) قاطر اغتنام و (۴۵۰) اسپر آلمشدر.